



册府元龜  
卷之六百八  
至九

13  
849  
202





門 4 3  
號 849  
卷 202



丹府元龜

學較部 一十二

小學 目錄 刊較 讐嫉

小學

昔伏羲氏造書契以代結繩之政周官保氏教國子以六書蓋文字之興其來尚矣厥後二篆繼作八體並生泝波振蕪增華競逐岐分轍異其流彌廣中代

丹府元龜

學較部

卷之六十八



而下善其業者或為之訓誥或形乎論叙布之方牘  
叅乎細帙咸得以徵焉仲尼曰吾猶及史之闕文又  
曰蓋有不知而作之者故述作之際不可以不慎矣  
黃帝時倉頡為史作蟲篆

周宣王時大史籀作大篆十五篇教學童書也與孔

氏壁中古文異體

又云史籀篇者周時史官教學童書也

秦李斯為丞相作倉頡篇七章

又作小篆亦曰秦篆

趙高為車府令作爰歷篇六章

胡毋敬為太史令作博學篇七章

博學篇古文多取史籀篇而篆體復

頗異所謂秦篆者也又云倉頡爰歷博學三篇斷六十字以為一章凡五十五章并為倉頡篇

程邈為秦獄吏得罪繫雲陽獄市覃思十年益小篆  
方圓而為隸書三千字始皇善之用為御史

王次仲上谷人善隸書始作八分書

漢司馬相如為文園令作凡將篇

凡將篇天複字

史游元帝時為皇門令作急就一篇

又云慕容甄親造太上章以代

急就篇又顏之推顏師古各注急就篇

李長成帝時為將作太監作元尚一篇

急就元尚篇皆倉頡中正

字也凡將則顏有出

楊雄為大夫作倉頡訓纂一篇

元和中徵天下通小學者以百數各令記

字於庭中楊雄取其有用者以作訓纂又云郭璠注倉頡篇楊雄作訓後漢郎中賈魴作嘉滂篇故曰一



三倉

杜鄴從張吉學吉子竦又幼孤從鄴學間亦著於世

尤長小學鄴子林清靜好古亦有雅材建武中歷位

列卿至大司空其正文字過於鄴竦故世言小學者

繇杜公也又云宣帝時徵齊人能正讀者張敞從受

之傳至外孫之子杜林為作訓誥焉竦即位至涼州刺史

劉歆撰古今文字二卷又焦子明撰文字畧統一卷位至安定屬

國都尉

後漢許慎作說文解字十四篇皆傳於世梁有漢說文一卷度

儀撰為汝長卒

馬援為伏波將軍上書曰臣所假伏波將軍印書伏

字大外響城臯令印臯字為白下羊丞印四下羊尉

印白下人人下羊即一縣長吏印文不同恐天下不

正者多符印所以為信也所宐齊同薦曉古文字者

事下大司空正鄒國印章奏可

班固字孟堅以易倉頡中重複之字凡八十九篇臣

復續楊雄作十三章文撰在昔篇一卷太甲篇一卷

為大將軍竇憲中護軍服虔撰通俗文一卷位至九

江太守

蘇林字孝友博學多通古今字指凡諸書傳文間危



疑林釋之建安中為五官將文學甚見禮待

郭顯卿為太子中庶子撰字指一卷

衛宏字敬仲撰古文官書一卷位至議郎

邯鄲淳一名竺字子叔為博士給事中善倉雅蟲篆

許氏字指

蔡邕為左中郎將撰聖皇章黃初章吳章勸學篇各

一卷

崔瑗為濟北相撰飛龍篆篇草勢合三卷

張揖撰埤倉二卷

梁樊恭父撰

古今字詁三卷

又云揖撰

三倉難字一卷

卷誤字一卷

又云字二卷朱有

字指一卷黃劭撰

蜀來敏尤精於倉雅訓詁好是正文字位至執慎將

軍

吳頂峻為郎中令撰始學篇十二卷

朱育山陰人少好奇字凡所特達依體像顛造作異

字千名以上位至侍中

晉郭荷雒陽人明究羣籍侍善史書不應州郡之命

陸機為平原內史撰吳章二卷

王羲為下邳內史撰小學篇一卷

李彤撰字二卷單行字二卷字偶五卷位至朝議大

夫



呂忱為弦令撰字林七卷

殷仲堪為荊州刺史撰常用字訓一卷

呂靜為汝復令撰韻集六卷

衛嘗撰四體書勢一卷

葛洪撰要用字苑一卷終於句漏令

顧愷之為散騎嘗侍撰啓疑三卷

宋何承天為御史丞撰纂文三卷

顏延之撰纂要六卷諸幼文三卷位至金紫光祿大

夫

謝靈運為臨川內史撰要字一卷

吳恭為揚州督護撰字林字音義五卷

劉善經撰文字指歸一卷

夏侯詠撰四聲韻畧十三卷

李粲撰音譜四卷

釋靜洪撰韻英三卷

南齊吳均為奉朝請續文釋五卷

王斌著四聲論行於時

梁沈約撰四聲一卷位至尚書令侍中領太子少傅

阮孝緒不應徵辟撰文字集略六卷

吉文甫為散騎嘗侍撰釋字同音三卷  
又有異字同音一卷



蕭子雲撰五十二體書一卷位至侍中國子祭酒  
蕭愷為太子家令時大學博士顧野王奉令撰玉篇  
太宗嫌其書詳略未當以愷博學文字為善使便與  
學士刪改

蕭琛在宮城有北僧南度維齋一瓠蘆中有漢書序  
傳曰三輔舊老傳以為班固真本琛固求得之其書  
多有異今者而紙墨亦古文字多如龍攀之列非隸  
非篆琛甚秘之及是行也以書餉鄱陽王範範乃獻  
於宮位至侍中

陳顧野王為左將軍撰玉篇三十卷

庾持善字書每屬辭好為奇字文士亦以此譏之位  
至大中大夫領步兵較尉

後魏大武始光二年初造新字千餘詔曰在昔帝軒  
剏製造物乃命倉頡因鳥獸之跡以立文字自茲以  
降隨時改作故篆隸草楷並行於世然經歷久遠傳  
習多失其真故令文體錯繆會義不愜非所以示軌  
則於來世也孔子曰名不正則事不成此之謂矣今  
制定文字世所用者頒下遠近永為楷式

陽居造字釋千卷猶數十篇未就而卒其從孫大學  
博士承慶遂撰為字統二十卷行於世位至國子祭



酒蕪幽州中正

江式字法安陳留濟陽人六世祖瓊字孟琚晉馮翊太守善蟲篆詰訓永嘉大亂瓊棄官西投張軌子因居涼土世傳家業祖強字文威大延五年涼州平因徙代京上書二十餘法各有體例又獻經史諸子千餘卷由是擢拜中書博士式少專家學除殄寇將軍仍爲符節令延昌三年三月式上表曰臣聞庖羲氏作而八卦列其畫軒轅氏興而龜策彰其彩古史倉頡覽仁象之支觀鳥獸之跡別初文字以代繩用書契以准事宜之王庭則百工以叙載之方冊則萬品

以明迄於三代厥體頗異雖依顛取制未能悉殊倉氏矣故周禮八歲入小學保氏教國子以六書一曰指事二曰象形三曰形聲四曰會意五曰轉注六曰假借蓋是史頡之遺法也及宣王太史史籀著大篆十五篇與古文或同或異時人卽謂之籀書至孔子定六經左丘明述春秋皆以古文厥意可得而言其后七國殊軌文字乖別暨秦蕪天下丞相李斯乃奏蠲罷不合秦文者斯作倉頡篇中車府令趙高作爰歷篇太史令胡毋敬作博學篇皆史籀太篆式頗省改所謂小篆者也於是秦燒經書滌除舊典官獄繁



多以趣約易始用隸書古文由此息矣隸書者始皇使下柱人程邈附於小篆所作也以邈徒隸卽謂之隸書故秦有八體一曰大篆二曰小篆三曰刻符書四曰蟲書五曰摹印六曰署書七曰殳書八曰禮書漢興有射律李復教以籀書又習八體試之課最以爲尙書史書省字不正輒舉劾焉又有草書莫知誰始考其形畫雖無厥誼亦是一時之變通也孝宣時召通倉頡讀者張敞受之涼州刺史杜業沛人爰禮講學大夫秦近亦能言之孝平時徵禮等百餘人說文字於未央宮中以禮爲小學元士黃門侍郎楊雄

採以作訓纂篇及亡新居攝自以運應制作使大司空甄豐較文字之部頗改定古文時有六書一曰古文孔子壁中書也二曰奇字卽古文而異者三曰篆書云小篆也四曰佐篆書秦隸書也五曰謬篆所以摹印也六曰鳥蟲所以蟠信也壁中書者魯恭王也壞孔子宅而得禮尙書春秋論語孝經也又北平侯張倉獻春秋左氏傳書體與孔氏相類卽前代之古文矣後漢郎中扶風曹喜號曰工篆小異斯法而甚精巧自是後學皆其法也又詔侍中賈逵脩理舊文殊藝異術王教一端苟有可以加於國者靡不悉集



逵卽汝南許慎古文字之師也後慎嗟時人之好奇  
嘆俗儒之穿鑿惋文毀於譽痛字敗於訾更詭任情  
變亂於世故撰說文解字十五篇首子終亥各有部  
屬包括六藝群書之詁評釋百氏諸子之訓天地山  
川草木鳥獸昆蟲雜物奇怪珍異王制禮儀世間人  
事莫不異載可謂類聚群分雜而不越文質彬彬最  
可得而論也左中郎將陳留蔡邕採李斯曹喜之法  
爲古今雜形詔於大學立石碑列載五經題書楷法  
多是雜書也後開鴻都書畫奇能莫不雲集於時諸  
方獻篆無出雜者魏初博士清河張揖著埤倉廣雅

古今字訓究諸埤廣綴拾遺漏增長事類抑亦於文  
爲益者然其字詁方之許慎篇古今體用或得或失  
矣陳留邯鄲淳亦與揖同時博聞古藝特善倉雅許  
氏字指八體六書精究閑理有名於揖以書教諸皇  
子又建三字石經於漢碑之西其文蔚炳三體復宣  
較之說文篆隸大同而古字少異又有京兆常誕河  
東衛覬二家並號能篆當時臺觀榜題寶器之銘悉  
是誕書咸傳之子孫世稱其妙晉世義陽王典詞令  
任域呂忱表上字林六卷尋其况越附託許慎說文  
而按偶章可隱別古籀奇惑之字又得正隸不若篆



意也忱窮靜別放故左較令李登聲類之法作韻集五卷宮商角徵羽各爲一篇而文字與兄便是魯衛音讀楚夏時有不同皇魏承百王之季紹五運之緒世易風移文字改變篆形謬錯隸體失真俗學鄙習復加虛功巧談辯士又以意爲說炫惑於時難以釐改乃日追來爲歸巧言爲辯小兎爲醜神蟲爲蠶如是甚皆不合孔氏古書史籍大篆許氏說文石經三字也夫文字者六藝之宗王教之始前人所以垂令今人所以識故故日本立而道生孔子曰必也正名乎又曰述而不作書曰予欲觀古人之象皆言遵脩

舊文而不敢穿鑿也臣六世祖瓊家世陳留徃晉之初與從父兄應元俱受學於衛覬古篆之法倉雅方言說文之誼當時並收善譽而祖官至太子洗馬出爲馬翊郡值雒陽之亂避地河西數世傳習斯業所以不墜也世祖大延中皇威西被牧犍內附臣亡祖文武杖策歸國奉獻五世傳掌之書古篆八體之法時蒙褒錄叙列於儒林官班又省家號世業暨臣閣短識學庸薄漸漬家風有忝無顯但逢時來恩出願外每承澤雲津厠霑漏潤驅馳文閣叅預史官題篆宮禁猥同上哲旣竭愚短欲罷不能是以敢籍六世



之資奉遵祖考之訓竊慕古人之軌企踐儒門之轍  
輒求撰集古來文字以許慎說文爲主爰採孔氏尙  
書五經音注籀篇爾雅三倉凡將方言通俗文祖文  
宗埤倉廣雅古今字詁三字石經字林韻集諸賦文  
字有六書之誼者皆以次類編聯文無復重統爲一  
部其方籀奇惑俗隸諸體咸使班於篆下各有區別  
詰訓假借之說僉隨文而解音讀楚夏之聲並逐字  
而注於其所不知者則闕如也脫蒙遂許冀省百氏  
之觀而同字之域典書秘書所須之書乞垂勅給並  
學士五人掌習文字者助臣披覽書生五人專令抄

寫侍中黃門國子祭酒一月一監評議疑隱庶無紕  
繆所撰名目伏聽明旨詔曰可所謂並就太嘗蕪教  
八書其所有須依請給之名目侍書成重聞式於是  
撰集字書號曰古今文字凡四十卷大體依許氏說  
文爲本上篆下隸正光中除驍將軍蕪著作佐郎式  
尋中卒其書竟未能成  
李登爲左較書令撰聲類十卷  
北齊宋世良強學好屬文撰字畧五篇位至東郡太  
守  
楊休之撰韻略一卷辨嫌音二卷位至和州刺史



顏之推爲黃門侍郎撰訓俗文字略一卷

後周黎季明其從祖廣後魏太武時爲尚書郎善古學嘗從吏部尚書清河伯玄崔受字義又從司徒崔浩學楷篆自是家傳其法季明亦傳習之頗與許氏有異太祖令季明正定古今文字於東閣位至車騎大將軍

冀雋爲襄樂郡守徵還教世宗及宋獻公等隸書時俗入書學者亦行束脩之禮謂之謝章雋以書字所興起自倉頡若同嘗俗未爲合禮遂啓太祖釋奠倉頡及先聖先師

趙文深善楷隸太祖以隸書紕繆命文深與黎季明沈遐等依說文及字林刊定六體成一萬餘言行於世位至趙郡守

隋王邵爲秘書少監撰難字三卷

顏繁楚撰證俗章略一卷

曹憲爲秘書學士撰古今字圖新錄一卷文字指歸四卷

劉善經河澗人撰四聲指歸一卷

唐顏真卿爲刑部尚書大歷十二年獻所著韻海鏡源三百六十卷詔秘閣及集賢書院貯之真卿耽尚



學儒以陸法言切韻文指非弘乃纂集九經字史字義題爲韻海鏡源獻之

唐玄林爲翰林待詔開成初於國子監復定石經子體玄度玄九經字體傳故司業張參五經字樣爲定諸經之中別有疑闕舊字樣未載者今與較勘官同商較是非取其適中纂錄爲新加九經字樣一卷請附五經字樣之末從之

目錄

夫四科之設所趣不同六藝之端爲學亦異自微言既絕說部遂多諸子玄與群儒紛糾兵農雜說其徒

寔繁然而學者斯勤述者彌衆廣搜並購既顯於好文強學專門頗患於寡要故前之達者分其例類使有條不紊求者可以俯觀也

漢司馬遷爲太史令撰史記目錄一卷

劉向撰七畧別錄二十卷元帝時擢爲散騎宗正給事中

劉歆向子也哀帝初卽位遷騎都尉光祿大夫總括群書篇撮其指要著爲七畧一曰經畧二曰集畧三曰諸子畧四曰詩賦畧五曰兵書畧六曰術數畧七曰方伎畧大凡萬三千九十卷



後漢班固傳毅並為較書郎自光武中與明章繼軌於東觀及仁壽閣集書固毅等典掌焉並依七畧而為書部固又編之則以為漢書藝文志

鄭默為秘書郎始制中經

荀勗為秘書監因中經更著新部分為四部總括群

書一曰甲部紀六藝為小學等書二曰乙部有古諸

子家近世子家兵書家術數家三曰丙部有史記舊

事皇覽簿雜事四曰丁部有詩賦圖譜汲冢書大凡

四部合二萬九千九百四十五卷

一云勗撰中經簿十四卷撰文章家

集序十卷

晉摯虞為太常卿撰文章志三卷

丘深之撰義熙以來離集目錄三卷

宋傅亮為中監尚書令撰續文章志三卷

謝靈運為秘書監造四部目錄大凡四千五百八十

二卷

文帝撰江左文章志五卷

殷淳為秘書丞在秘書之閣撰大四部書日凡四十

卷行於世

南齊王儉為秘書丞撰四部書目四卷大凡一萬五

千七十四卷又撰令書七志一曰經典志紀六藝小



學史記雜傳 一曰諸子志紀今古諸子 二曰文翰志  
紀詩賦 四曰軍書志紀兵書 五曰陰陽志紀陰陽圖  
緯 六曰術藝志紀方技 七曰圖譜志紀地域及圖書  
其道佛附見合九條 賀蹤補 八曰四部書目 九曰  
梁王儉永明中爲秘書丞與監謝朓又造四部目大  
凡一萬八千一十卷

阮孝緒不應徵辟篤好墳史博採宋齊以來王公之  
家凡有書記叅較官簿更作七錄 一曰經典錄 二曰  
藝 一曰史籍錄 三曰子兵錄 四曰文  
集錄 五曰詩賦 六曰技藝錄 七曰數術 八曰佛錄 九曰道  
錄 其分部題目頗有次序

任昉爲秘書監於文德內殿列藏衆書華林園內總  
集釋典大凡二萬三千一百六卷自齊永元以來秘  
閣四部篇卷紛雜昉手自讎較出是篇目定焉

丘賓卿撰天監四年書目四卷

殷鈞撰天監六年四部書目後授散騎嘗侍國子祭  
酒

祖暅爲奉朝請以梁有秘書監任昉殷鈞四部目錄  
又文德殿目錄其術數之書更爲四部使暅撰其名  
故梁有五部目錄



楊松玠撰史目三卷

沈約永明二年兼著作郎撰宋氏文章志二卷

劉遵撰東宮四部目錄四卷

劉孝標安成王引為荊州戶曹參軍撰梁文德殿四

部目錄四卷

陳沈文阿為散騎常侍兼國子博士撰經典玄儒大

義序錄二卷

後魏裴景融領著作時撰四部要畧令景融專典

高道穆為給事黃門侍郎莊帝詔曰秘書圖籍所在

內典書又加繕寫緗素委積蓋有年載出內繁蕪多

致零落可令道穆總集帳目并牒儒學之士編比次

第

後周樊深撰七經異同說三卷義綱畧論并目錄三

十卷並行於世後為中大夫加開府儀同三司

隋牛弘為光祿大夫撰開皇四年書目四卷

王邵為散騎侍郎修起居注撰開皇二十年書目四

卷隋書又有魏闕書目一卷陳秘閣圖書法目錄一卷陳天嘉六年壽安殿四部目錄四卷陳五經省

四部目錄四卷陳承香殿五經史記目錄二卷開皇

八年四部書目錄四卷香厨四部目錄四卷隋大業

正御書目錄九卷書目錄六卷雜儀注目錄四卷書

品二卷各手書錄一卷正流論一卷並無撰人姓名

許善心開皇中為秘書丞於時秘藏圖籍尚多淆亂

冊府元龜 學校部

卷之六十八



善心倣阮孝緒七錄更制七林各為總叙冠於篇首又於部錄之下明作者之意區分類例焉

唐馬懷素為秘書監兼昭文館學士是時秘書省典籍散落條流無叙懷素上疏曰南齊已前墳籍舊編王儉七志已後著述其數盈多隋志所書亦未詳悉或古書近出前志闕而未編或近人相傳浮詞鄙而猶記著無編錄難辯淄澠望括簡近書篇目并前志所遺者續王儉七志藏之秘府帝於是召學涉之士國子博士尹知章等分部撰錄并刊正經史麗創首尾會懷素病卒

元行冲為太子賓客弘文館學士累封嘗山郡公先是秘書監馬懷素集學者續王儉七志左散騎嘗侍褚無量於麗正殿較寫四部書事未就而懷素無量卒館行冲總代其職於是行冲表謂通撰古今書目名為群書目錄命學士鄆縣尉母炤櫟陽尉常述曹州司法叅軍殷踐猷大學助教余欽等分部脩檢歲餘書成奏上之

開元七年詔曰比來書籍缺亡后多錯亂者良由稽歷不明綱

維失序或須披閱難可簡尋今麗正殿寫四庫書各於本庫每部別為目錄其與四庫目不類者依劉歆七畧排為士志其經史子集及天文以時代為先後以品秩為次第其三教殊英既有缺落宏依書目隨次脩補朕當披覽無使闕遺



常述為櫟陽尉秘書監馬懷素受詔編次圖書乃奏  
用左散騎嘗侍元行冲左庶子齊澣秘書少卿王珣  
衛尉少監吳兢并述等二十六人同於秘閣詳錄四  
部書懷素尋卒行冲代掌其事五年而成其總目二  
百卷

刊校

仲尼曰文王既沒文不在茲乎故曰自衛返魯刪定  
經藝而門人達者亦有所刊正焉既而遭秦煨燼會  
漢巫蠱編簡散逸微言殆絕雖故老所傳得於口占  
壞壁之獲固多古文頗或遺脫率用裁擇既而學較

斯建傳習彌廣龜鳥之變魚魯之殊蓋有之矣矧復  
師資迭授覃研無廢增以章句為之訓傳又多乎哉  
故英儒博聞之士潛心大業探求精義正其闕誤芟  
其繁亂或蒙被詔令典較閣成上書自陳求給筆札  
至於前世之載記籍百家之述作亦或揚摧其繆戾  
考正其異同縫其漏而質其非翦其蕪而撮其要朱  
紫之有別淄澠之不混六經之旨既明四部之文維  
叙後來以之折衷學者於茲蒙益非好古博雅之君  
子疇克預於此哉

周孔子刪詩為三百篇



卜齋字子夏孔子弟子之晉過衛有讀史記者曰晉師三豕涉河子夏曰非也是巳亥也夫巳之與三相近豕之與亥相似至於晉而問之則曰晉之巳亥涉河也

漢孔安國孔子後也武帝時為博士魯共王壞孔子

宅得古文尚書安國悉得其書以考二十九篇得多

十六篇壁中書多以考見行二十九篇之外更得十六篇安國獻之遭巫蠱

事未列於學官安國以孔氏蝌蚪尚書及伏生之書考論文義定其可知者為隸古定更

以竹簡寫之魯多伏生二十五篇伏生又以堯典合於舜典益稷合於臯陶謨盤庚三篇合為一康王之誥合於顧命後出此篇并序凡五十九篇為四十六卷

劉向成帝時為光祿大夫先是武帝時以中古文易

經較施孟梁丘經中者天子之書也言中以別外耳向又以中古文

較歐陽大小夏侯三家尚書經文酒誥脫簡一召誥

脫簡二率簡二十五字者脫亦二十五字簡二十二

字者脫亦二十二字文字異者七百有餘脫字數十

至成帝詔向較經傳諸子書賦步兵較尉任宏較兵

書太史令尹成較術數太醫監李柱國較方技每一

書就向輒為一錄論其指歸辨其訛謬而奏之

劉歆為黃門郎河平中與父向領較秘書

後漢蘇竟以明易為博士講書祭酒王莽時與劉歆



等共典較書

桓榮習歐陽尚書事博士朱普受普學章句四十萬

言浮辭繁長多過其實及榮入授明帝減為二十三

萬言子郁復刪省定成二十萬言繇是有桓君大小

大常章句

桓榮建武三十年為太嘗  
恒郁永元四年為太嘗

鍾興明帝時為左中郎將詔令定春秋章句去其復

重

樊儵刪定公羊嚴氏春秋章句世號樊侯學士仕至

長較尉

張霸永元中為會稽太守以樊儵刪嚴氏春秋猶多

繁辭乃減定為二十萬言更名張氏學

崔宴拜議郎復與諸儒博士雜定五經

馬融為較書郎中詣東觀典較秘書

楊終章帝時為蘭臺較書終受詔刪太史公書為十

餘萬言

傅毅為郎中建中初章帝博召文學之士以毅為蘭

臺令史拜郎中與班固賈逵共典校書

鄭眾為大司農受詔作春秋刪十九篇

劉珍少好學安帝時為謁者僕射鄧太后詔使與較

書劉駒駮馬融及五經博士較定東觀五經諸子傳



詔一百家藝術整齊脫誤定正文字

伏無忌博物多識順帝時為侍中屯騎校尉詔與議郎黃景較定中書五經諸子百家藝術

張奐少遊三輔師事太尉朱寵學歐陽尚書初牟氏章句浮辭繁多有四千五萬餘言奐為九萬言從辟

大將軍梁冀府乃上書桓帝奏其章句詔下東觀延篤從論解經傳多所駁正後儒服虔等以為折中

位至侍中

盧植靈帝時為九江太守時始立太學石經以正五經文字植乃上書曰臣少從通儒故南郡太守馬融

受古學頗知今之禮記特多回空

回穴白

臣前以周

禮諸經發起批謬敢率愚淺為之解詁而家乏無力

繕供寫上

繕善也言家貧不能善寫而上

願得將能書生二人共詣

東觀就官財糧專心研精合尚書章句考禮記失得

庶裁定聖典刊正碑文古文蝌蚪近於為實而厭抑

流俗降在小學中興以來通儒達士班固賈逵鄭興

父子並敦悅之令毛詩左氏周禮各有傳記與春秋

其相表裏宜置博士為立學官以助後來以廣聖意

後與諫議大夫馬日磾議郎蔡邕楊彪韓說等並在

東觀較書五經紀傳補續漢記



蔡邕拜郎中較書東觀遷議郎邕以經籍去聖久遠  
文字多謬俗儒穿鑿疑誤後學熹平四年乃與五官  
中郎將堂谿典光祿大夫楊賜諫議大夫馬日磾議  
郎張馴韓說太史令單颺堂谿姓也典字子穎  
颺川人為西郡長奏求  
正定六經文字靈帝許之邕乃自書冊於碑使工鏤  
於大學門外雒陽記曰大學正雒城南聞陽門外講  
堂長五丈廣三丈堂前經四部本碑凡  
四十六枚西下倚書周易公羊十一碑字中二碑毀  
南行禮記十五碑悉確壞東行論語三碑禮記上存  
諫議大夫馬日於是後儒晚學咸取正焉及碑始立  
其觀視及摹寫者車乘日千餘兩填塞街陌馬日磾  
融之族子少傳融業以才學進與楊彪盧植蔡邕等

典較中書

劉陶明尚書春秋為之訓詁雅三事尚書三家謂夏  
侯建夏侯

勝歐陽和為侍郎受  
詔次第春秋條列靈帝時拜侍御史

吳韋曜為中書郎博士祭酒孫林命曜依劉向故事  
定眾書晉司馬彪為秘書郎初譙周以司馬遷史記  
書周秦以上或採俗語百家之言不傳據正經周於  
是作古史考二十五篇皆憑舊典以糾遷之謬誤彪  
復以周為未盡善也條古史考中凡百二十二事為  
不當多據汲冢紀年之義亦行於世  
鄭眾字思元起家秘書郎考覈舊文刪省浮穢中書



今虞松謂曰而今而後朱紫別矣

東哲為左著作郎武帝太康二年汲郡人不準掘魏

安釐王塚得竹簡小篆古書十餘萬言藏於秘府秘

書丞衛嘗考正汲塚書未紀而遭難哲述而成之事

多證異義時東萊太守陳留王庭堅難之亦有證據

哲又釋難而庭堅已亡散騎侍郎潘滔謂王接曰卿

才學理議足解二子之紛可試論之接遂詳其得失

摯虞謝衡皆博物多聞咸以為允當

初太康二年汲郡人不準盜發

魏襄王墓或言安釐王塚得竹簡數十傳其紀年十

二篇記夏以來至周幽王為太戎所滅以事接之二

大卷與春秋皆多相應其中經傳太異則云夏年多

乾益於啓位啓殺之太甲殺伊尹文王殺季歷白周

受命至穆王百年非穆王受百歲也幽王既亡有其

伯和者攝行天子事非二相其和也其易經二篇與

周易上下經同易繇陰陽卦二篇與周易畧同繇辭

則易卦下易經一篇以說卦而與公孫段二篇公孫

段與邵涉論易國語三篇言楚晉事各三篇以禮記

又似爾雅論語師春一篇書左傳諸卜筮師者者是

造書者姓名也瑣語十一篇諸國卜筮妖怪相書也

梁丘藏一篇先叙魏之數次言丘藏金玉事繳書二

篇論戈射法王封一篇帝王所封大曆二篇鄒子談

天教也穆天子傳五篇言周穆王游行四海見帝臺

西王母圖詩一篇畫贊之屬也又尚書十九篇周食

田法周書論楚事周穆王美人盛姬死大事凡七十

五篇七篇簡書桓壞不識名題冢中又得銅劍一枚

長二尺五寸發書皆蝌蚪字初發塚者燒策炤取寶

物及官收之多虛簡斷依文既殘缺不復詮次武帝

以其書付秘書校綴次第尋考指歸而以今文

寫之哲在著作得觀竹書隨疑分釋皆有義證

李充為大著作郎於時典籍混亂充刪除煩重以類

冊符元通 學校部

二十三



相從分作四部甚有條貫秘閣以爲永制

徐廣字野民孝武世除秘書郎與較秘書省增置省職轉員外散騎侍郎仍領校書

宋謝靈運爲秘書監文帝使釐理秘閣書補足遺闕梁任昉爲秘書監領前軍將軍自齊永元以來秘閣四部篇卷紛雜昉手自讎較由是篇自定焉

張率爲司徒掾直文德侍詔省勅使抄一部書後爲建安王記室直壽光省治丙丁部書抄

阮孝緒陳雷尉氏人著刪繁書武帝時徵不到

劉峻天監初召入西省與學士賀蹤典較秘閣

劉洸爲太子洗馬時文德殿置學士省召高才碩學者侍詔其中使之校墳史詔洸通籍焉

劉之遴爲太學博士時鄱陽王范得班固所上漢書真本獻之東宮令之遴與張纘到漑等參較異同之遴錄其異狀數十事非真本殷鈞爲秘書丞在職啓校定秘閣四部書

陳周弘正在梁爲左民尚書及侯景平王僧辨啓送秘書圖籍勅弘正較讎

姚察爲秘書監領著作察任秘省大加刪正後魏闕駟博通經傳初仕沮渠蒙遜爲秘書考課郎中給文



吏三十人典較經籍刊定諸子三千餘卷

崔光韶為司空行參軍孝文勅光韶兼秘書郎掌較

華林秘書

宋道璵少而敏雋宣武初以才學被召與秘書丞孫

惠蔚典較群書考正同異

嘗景為秘書監刪正晉司空張華博物志

北齊李鉉為太子博士在東館師友諸王鉉以去聖

久遠文字多有乖謬感孔子必也正名之言乃喟然

有刊正之意於講授之暇遂覽說文爰及倉雅刪正

六藝經中謬

樊遜以對策第一清河王岳為大行臺率眾南討假

遜大行臺郎中文宣天保七年詔令較定群書俱皇

太子遜與冀州秀才高乾和瀛州秀才馬敬德許散

愁韓同寶雒州秀才傅懷德懷州秀才古道子廉平

郡孝廉李漢子渤海郡孝廉鮑長暄又陽平郡孝廉

景孫前梁州府主簿王九元前開府水曹參軍周子

深等十一人被尚書召其刊定時秘府書籍紕繆者

多遜乃議曰案漢中壘較尉劉向受詔較書每一書

竟表上輒言臣向書長水較尉臣參書太史公大常

博士書中外書合若干本以相比然後較殺青今所



讎較供極重出蘭臺御諸甲館向之故事見存府閣  
 卽欲刑定必藉衆本太嘗卿邢子才太子少傅魏收  
 吏部上書辛術司農少卿穆子容前黃門郎司馬子  
 瑞故國子祭酒李業興並是多書之家請牒借本叅  
 校得失秘書監尉瑾移尙書都坐凡諸別本三千餘  
 卷五經諸史殆無遺闕

宋繪好撰述以諸家年歷不同多有紕繆乃刑正異  
 同撰年譜錄未成武成河清五年並遭水漂失繪雖  
 博聞強記而天性恍惚晚又遇疾言論遲緩及失所  
 撰之書乃撫膺慟哭曰可謂天喪予也

後周寇雋拜秘書監時軍國草創墳典散逸雋始選  
 置令史抄集經籍四部群書稍得備具

蕭撝梁武帝弟安成王秀子也入周爲侍中驃騎大  
 將軍明帝卽位集公卿已下有文學者八十餘人於  
 麟趾殿較定經史仍撰世譜撝亦預焉以母老兼有  
 疾疾五日番上便隔晨昏請在外著事詔許焉

宗愨初仕梁元帝時爲吏部尙書及江陵平與王褒  
 等入關太祖以愨名重南士甚禮之明帝卽位詔愨  
 與王褒等在麟趾殿刑定群書

元偉明帝初拜師氏中大夫受詔於麟趾殿刑正經



楊寬爲御史正中大夫武成二年詔寬與麟趾殿學士叅定經籍

姚暹字士會梁太醫正僧坦之子年十九隨僧坦入關明帝盛聚學徒較書於麟趾殿暹亦預爲學士隋李德林父敬族歷太學博士鉅遠將軍魏孝靖帝時命當世通人正定文籍以爲內較書別在直閣省郎茂仕齊爲司空府叅軍奉詔於秘書省刊定載籍許善心爲秘書丞奏追李文博陸從典等學者十許人正定經史錯謬

劉焯以儒學知名除員外將軍與諸儒於秘書省考定群書

王邵爲著作郎採摭經史謬誤爲讀書記三十卷時人服其精博

于仲文爲光祿大夫撰漢書刊繁三卷

唐顏師古貞觀中於秘書省考五經師古多所釐正旣畢奏之太宗復遣諸儒重加詳議於時諸儒傳習旣久皆其非之師古輒引晉宋以來古本隨方曉答援據詳明皆出其意表諸儒莫不欽服於是拜通直散騎嘗侍頒其所定之書於天下令學者習焉尋行



秘書少監專典刑正所有奇書難字衆所惑者隨疑  
剖折盡其源

呂才爲大嘗博士太宗以陰陽書行之自久近代以  
來漸致訛僞穿鑿既甚拘忌亦多遂命有司總令修  
撰命才及諸陰陽學者十餘人共加刊削并舊書可  
行者四十七卷書成詔班下之

魏徵爲秘書監以喪亂之後典章紛雜奏引學者較  
定四部書數年之間秘書圖籍粲然卒備

長孫無忌爲大尉高宗永徽二年三月詔無忌及中  
書門下與國子三館博士引文館學士刊定故國子

祭酒孔穎建所撰五經正義顏揚庭師古子也永徽  
三年揚庭爲符璽郎又表上師古所撰正謬正俗八  
卷高宗下詔付秘書閣仍賜揚庭帛五十疋

司馬承禎隱於天台開元初徵至京師承禎頗善篆  
隸書寫三體老子經因刊正文旬定著五千三百八  
十言爲真本以奉上之後居王屋爲陽臺觀卒贈銀  
青祿大夫號真玄先生

蔣乂集賢學士蔣明之子也弱冠該博群籍其父在  
集賢日嘗以兵亂之後圖籍溷雜乃自執政請令乂  
入院編次於是宰相張鎰署乂爲集賢小吏編錄纒



逾一年於散亂中釐集二萬餘卷勒成部秩旁通百家尤精歷代沿革後爲集賢學士

褚無量以白庫舊書目高宗代卽藏在宮中漸至遺逸奏請繕寫刊較以弘經籍之道於是上令於東都乾元殿前施架排次因大加搜寫廣求天下異本數年間四部充備後遷左散騎嘗侍兼國子祭酒封舒國公

劉大真貞元二年爲秘書監大真上言請擇儒者詳較九經於秘書省令所司陳設及供食物宰臣錄其功課從之

包佶爲秘書監貞元年上言開元中刪定禮記月令改爲時令其音及疏并開元有相涉者並未刊正請選通儒詳定從之會佶卒其事不行

文宗大和三年三月癸亥集賢院奏應較勘宣索書及新添寫經籍令請秘省春坊崇文較正其一十八員權抽作番次就院同較勘前件書其厨料等請度支准本官例支給從之

周墀爲起居舍人集賢殿學士開成元年正月中書門下奏墀及監察御史張次宗禮部員外郎孔溫業兵部員外郎集賢殿直學士崔球等同就集賢院勘



較經典釋文

鄭覃爲門下侍郎平章事兼國子祭酒初文宗詔國子監九經石本所司較勘尙有舛誤傳於永久必在精詳宜令率更令韓泉充詳定石經官就集賢審較勘仍旋送國子監上石開成二年十月覃進石壁九經一百六十卷

後唐楊凝式明宗天成初爲給事中凝式精選通儒較定三館圖書

馬縞爲太子賓客長興三年四月勅近以遍注石經雕刻印板委國學每經差專知業博士儒徒五六人

勘讀并注今更於朝官內別差五人充詳勘官太子賓客馬縞太嘗丞陳觀祠部員外郎兼太嘗博士段颺太嘗博士路航屯田員外郎田敏等朕以正經事大不同諸書雖以委國學差官勘注蓋緣文字極多尙恐偶有差誤馬縞已下皆是碩儒各專經業更令詳勘貴必精研兼宜委國子監於諸色選人中召能書人謹楷寫出族付匠人雕刻每五百紙與減一選所減等第優與選轉官資時宰相馮道以諸經舛謬與同列李愚委學官等取西京鄭覃所刊石經雕爲印板流布天下後進賴之



漢隱帝乾祐元年四月國子監上言在監雕印板九經內只周禮儀禮公羊穀梁四經未有印板今欲集學官較勘四經文字雕造印板從之

周由敏為尙書左丞兼判國子監事廣順三年六月敏獻印板書五經文字五經字樣各二部一百三十策奏曰臣等自長興三年較勘雕印九經書籍經注繁多年代殊藐傳寫紕繆漸失根源臣守官膠庠職司較定旁求援據上備雕鑄幸遇聖朝克終盛事播文德於有截傳世教以無窮謹具陳進先是後唐宰相馮道李愚重經學因言漢時崇儒有二字石經唐

朝亦於國學刊刻今朝廷日不暇給無能別有刊立嘗見吳蜀之人鬻印板文字色類絕多終不及經典如經典較定雕摹流行深益於文教矣乃奏聞勅下儒官田敏等考較經注敏於經注長於詩傳孜孜刊正援引證據聯為篇卷先經奏定而後雕刻乃分政事堂厨錢及諸司公用錢又納及第舉人禮錢以給工人

尹拙為國子監祭酒顯德二年二月中書奏拙狀稱准勅較勘經典釋文三十卷雕造印板伏以陸氏釋文唐初撰集綿歷歲月傳寫失真非多聞博識之人



通幽洞微之士重其商確必致乖訛况今朝廷富有鴻碩如兵部尙書張昭太常卿田敏皆文儒之領袖也或家藏萬卷或手較六經實後學之宗師爲當今之雄倚伏乞察以事繼禹教情非屬私時賜敷敷俾同讎按勅曰經典之來訓釋爲重須資鴻博其正疑訛庶使文字精研免至傳習眩惑其經典釋文已經本監官員較勘外宜差兵部尙書張昭太常卿田敏許較

顯德三年十二月詔委中書門下於朝官內選差三十人據見在書籍各求真本較勘刊正謬誤仍於逐卷後署較勘官姓名宜令官司逐月具功課申報中書門下

讎嫉

仲尼沒而微言絕七十子喪而大義乖周室道微漢承秦弊師授迭異經藝遂分以是肇各家之學樹同門之黨穿鑿聖典異端蜂起旣傳稟之不一復潤色而相勝其有隸章句之業乖和裕之德緣飾已失以爲當掎摭彼是以爲非庠序之間謹昨騰涌講習之際譏詆紛錯互相擯斥動成仇讎或忿爭於朝廷或遷謗於祖裔其於攻訐以寘害淪胥而罹咎者蓋有



之矣固異夫合志同方營道同術之說焉

漢韓固生以治詩孝景時為博士與黃生爭論景帝前久之病免武帝初即位復以賢良徵固諸儒多疾毀固曰固老罷歸之時固已九十餘矣

王式字翁思以說詩昭帝時為昌邑王師王廢式以減死論歸家山陽張長安幼君長安名先事式後東平

唐長賓沛褚少孫亦來事式問經數篇式謝曰聞之於師具是矣自潤色之言所聞師說具盡於此若嫌簡畧住更潤色不肯

復授唐生褚生應博士弟子選詣博士摳衣登堂頌禮甚嚴摳衣謂以手內舉令離地也摳口候切頌讀曰容式誦說有法疑者

丘蓋不言

論語載孔子曰盖有不知而作之者我無是也式欲遵此意故效孔子自稱立耳盖

者發語之辭

諸博士驚問何師對曰事式皆素聞其賢其

薦式詔除下為博士

下除官之書也下胡嫁切

式徵來衣博士衣

而不冠曰刑餘之人何宜復充禮官既至舍中會諸

大夫博士其持酒肉勞式皆注意高仰之

勞來到切

博士

江公世為魯詩宗

為魯詩者所宗師也

至江公著孝經說心嫉

式謂歌吹諸生曰

學官自有此法酒坐歌吹以相樂也

歌驪駒

逸詩篇名也見

大戴禮客欲去歌之其辭云驪駒在門僕夫具存驪駒在路僕夫整駕也

式曰聞之於師

客歌驪駒主人歌客毋庸歸

庸用也主人禮未畢且無用歸也

今日

諸君為主人曰尚蚤未可也江翁曰經何以言之

於經



何所有 式曰在曲禮江翁曰何徇曲也 意怒故妄發 言言徇者輕

此言 毀之甚也今流俗書本 云何曲徇妄改之也 式耻之陽醉邊墜 過失據而 倒也墜古

地字邊 徒浪切 式客罷讓諸生曰我本不欲來 讓責 也 諸生彊

勸我竟為豎子所辱遂謝病免歸終於家

劉歆為光祿大夫較秘書欲建立左氏春秋及毛詩

逸禮古文尚書皆列於學官哀帝令歆與五經博士

講論其義諸博士或不肯置對 並不與歆意同故不 肯立其學也置對置

辭以 對也 歆因移書大嘗博士讓之其言甚切諸儒皆怨

恨是時名儒光祿大夫龔勝以歆移書上疏深自罪

責願乞骸骨罷及儒者師丹為大司空亦大怒奏歆

改亂舊章非毀先帝所立帝曰歆欲廣道術亦何以

為非毀哉歆由是忤執政大臣為眾儒所訕 訕謗也 所諫切

懼誅求出補吏為河內太守以宗室不立典三河徙

守五原

後漢孔僖字仲和魯國人也遊大學習春秋因讀吳

王夫差傳廢書歎曰所謂畫虎不成反為狗者友人

崔駰曰然昔孝武皇帝始為太子方年十八崇信聖

道師則先王五六年間號勝文景及後恣已忘其前

善僖曰書傳若此多矣隣房生梁郁儻和之曰如此

武帝亦是狗邪僖駰默然郁怒恨之陰上書告駰僖



誹謗先帝譏刺當世事下有司駟諧吏受訊僖恐誅乃上書章帝自訟詔皆勿問拜僖蘭臺令

周福其陵人初桓帝為蠡吾侯受學於福及即位擢福為尚書時同郡河南尹房植有名當朝鄉人為之謠曰天下規矩房伯武因師獲印周仲進二家賓客至相譏揣遂各樹朋徒漸成尤隙

鄭玄字康成北海高密人少為鄉嗇夫及黨事起被禁錮遂隱修經業杜門不出時任城何休好公羊學

遂著公羊墨守

言公羊義理深遠不可駁難如墨翟之守妙

左氏膏肓

喻

氏之疾不可為也

穀梁癡疾玄乃發墨守鍼膏肓起廢疾休

兄而歎曰康成入吾室操吾矛以伐我乎後公車徵為大司農給安車一乘

蜀孟光字孝裕河南維陽人漢末為講部吏獻帝遷都長安遂逃入蜀劉焉父子待以客禮博物識古無書不覽尤銳意三史長於漢家舊典好公羊春秋而

譏呵左氏每與來敏爭此二義光常譏譏謹昨

說音如交

切謹音休表切昨祖格切

先主定益州拜為議郎

言慈元仁篤胡潛字公興並為博士慈善鄭氏學治易尚書三禮毛詩論語潛卓犖疆識先主定蜀承喪亂歷紀學業衰廢乃鳩合典籍沙汰眾學慈潛與孟



光來敏等典掌舊文值庶事草創動多疑議慈潛更  
 相克伐謗讟忿爭形於聲色書籍有無不通借時  
 尋楚撻以相震撼虛晚切其矜已如彼乃至於此先主  
 愍其若此群僚大會使倡家假為二子之容傲其訟  
 聞之狀酒酣樂作以為嬉戲初以辭義相難終以刀  
 杖相屈用感切之

後魏游雅文成時為秘書監北人陳奇愛翫經典博  
 通墳籍與河間邢祐同召赴京雅素聞其名始頗好  
 之引入秘省欲授以吏職后與奇論典誥及詩書雅  
 贊扶馬鄭至易訟卦天與水違行雅曰自慈嶺以西

水皆西流推此而言易之所及自慈嶺以東耳奇曰  
 易理繇廣包含宇宙若如公言自慈嶺以西豈東廻  
 望玄哉奇執義非雅每如此類終不苟從雅性護短  
 因以為嫌嘗眾辱奇或爾汝之或指為小人奇曰公  
 身為君子奇身且小人耳雅曰君言身且小人君祖  
 父是河也奇曰祖燕東郡侯釐雅質奇曰侯釐何官  
 也奇曰三皇不傳禮官名豈同哉昔故有雲師火正  
 鳥師之名以師而言世革則官異時易則禮變公為  
 皇魏東宮山侍長侍長竟何職也繇是深憾之先是  
 勅以奇付雅令銓補秘書雅既惡之遂不復叙用焉



奇冗散數年高允每與奇讎温古籍嘉其遠致爾奇  
過識非凡學所窺允微勸雅曰君朝望具瞻何爲與  
野儒辯簡牘章句雅謂允有私於奇曰君寧黨小人  
也乃取奇所注論語孝經焚於庭內奇曰公貴人不  
之焦薪何乃燃奇論語雅愈怒因告京師後生不聽  
傳授而奇無降志亦詳雅製昭皇太后碑文論右文  
字之美比論前魏之甄右奇刺發其非聞於上詔下  
司徒簡對碑史事乃郭后雅有屈焉有人爲謗書多  
怨時之言頗彌奇不得志雅乃諷在事云此書言奇  
不遂當時奇假人爲之如依律文造謗書者皆及笮

戮遂抵奇罪時司徒平原王陸麗知音見枉惜其才  
學故得延遷經年冀有寬宥但執以獄成竟致大戮  
遂及其家

隋劉焯信都人爲縣功曹高祖開皇中與左僕射楊  
素等於國子學共論古今滯義素等莫不服其精博  
時運雒陽石經至京師文字磨滅莫能知者奉勅與  
劉炫等考定後因國子釋奠與炫二人論義深控諸  
儒諸儒咸懷妬恨遂爲飛章所謗除名爲民  
蘇夔右僕射威之子少有盛名起家爲通仕舍人議  
樂事與國子博士何妥各有所持於是夔妥俱爲一



議使百寮署其所同朝廷多附威同夔者十八九安  
惠曰吾席間函丈四十餘年反爲昨暮兒之所屈也  
元善文帝時爲國子祭酒學問在通直散騎嘗侍何  
妥之下然以風流醞籍俯仰可觀音韻清明聽者忘  
倦由是爲後進所歸妥每懷不平心欲屈善因善講  
春秋初發題諸儒畢集善私謂妥曰名望已定幸無  
相苦妥然之及就講肆妥遂引古今滯議以難善多  
不能對善深銜之二人由是有隙

唐孔穎達仕隋煬帝大業初爲河內郡博士詔徵諸  
郡儒官集於東都令國子秘書學士與之論難穎達

爲最時穎達少年而先輩宿儒耻爲之屈潛遣刺客  
伺其便而圖之禮部尙書楊玄感深禮之知其如是  
延之於第待以上客薦爲大學助教由是顯名貞觀  
中遷國子祭酒撰正五經疏義稍爲詳悉然有大學  
博士馬嘉運每拮據之因此相與不平嘉運屢相譏  
詆有詔更令詳定未訖而卒

周樊倫爲國子司業太祖廣順末尙書左丞田敏判  
國子監獻印板九經書流行而儒官素多是非倫乃  
撥拾舛誤訟於執政又言敏擅用賣書錢千萬請下  
吏訊詰樞密使王峻素聞敏大儒佐佑之密訊其事



構致無狀然其書至今是非未息

冊府元龜

淮南李嗣京參閱

西極文翔鳳訂正

豫章黃國琦較釋

刑法部

總序

折獄致刑著於彘易維明克允載於虞書斯則制治在乎勅法勅法在乎得人之義也舜以咎繇作士故尚書云咎繇作士明於五刑以弼五教又謂之大理故文子曰咎繇暗而為大理天下無虐刑夏商之制



無聞周制大司寇掌建邦之三典以佐王刑邦國詰四方小司寇以五刑聽萬民之獄訟士師掌五禁之法以左右刑罰卿士遂士縣士方士各聽其所治獄訟司刑掌五刑之法以麗萬民之罪司刺掌三刺三宥三赦之法以贊司寇聽獄訟堂囚掌守囚及刑殺掌戮掌斬殺司隸掌囚執人布憲掌邦之禁皆治刑之官也列國有士師論語所謂孟氏使陽膚爲士師也亦謂之理史記所謂李離爲晉文公之理也秦制廷尉掌刑辟秩二千石古者兵獄同制故謂之尉漢制尙書三公曹主斷獄二千石曹掌中都官盜賊辭

訟罪法亦謂之賊曹又御史屬官有法令曹掌律令廷尉秩中二千石有正及左右監秩皆千石景帝中六年更名大理武帝建元四年復爲廷尉宣帝地節三年初置左右平秩皆六百石掌平詔獄冠法冠哀帝元嘉二年復爲大理自孝武而下置中都官獄三十六所各有令長之名如宗正領都司空令丞主置罪人少府領若廬令丞主詔獄治將相大臣之類也又置繡衣直指出討姦滑治大獄不嘗置其有大獄則令雜治如王嘉致都船詔獄使將軍以下與二千石雜治之類也其次卽令就問如廷尉請捕衡山王



遣中尉大行卽問之類也其當罪又令雜議如淮南王所犯不軌丞相御史宗正廷尉雜奏又詔列侯吏二千石議是也後漢置治書侍御史選高第明法律者爲之天下讞疑事則以法律當其是非廷尉卿中二千石掌平獄刑罰奏當所應凡郡國讞疑罪皆處當以報員吏百四十人又省右平尙存左平又罷中都官以下諸詔獄獨廷尉雜陽縣有焉魏武初建國改廷尉爲大理又置律博士又置定科郎主定法令都官郎主軍事刑獄黃初元年復以太理爲廷尉晉制初以三公尙書掌刑獄太康中省之以吏部尙書

領刑獄又廷尉主刑罰獄訟屬官有正監平通視南臺治書爲尙書郎下遷又有律學博士又置黃沙治書侍御史秩與中丞同掌詔獄及廷尉不當者皆治之後省去咸寧中又置廷尉丞宋增置都官尙書掌京師非違兼掌刑獄又增置刪定郎如魏之定科郎齊廷尉置丞正監平律博士各一人梁初曰大理天監元年復爲廷尉廷尉視秘書監丞視皇子行佐正視正王佐正監平三人比舊選少重服獬豸冠絳幘皂衣銅印墨綬又革置建康縣獄三官視給事中以尙書郎爲之冠服同廷尉三官元會廷尉三官與建



康三官皆法官阜衣朝服以監東西中華門手執方  
水長三尺方一寸謂之執方器又置律博士視員外  
郎後魏孝文太和中廷尉卿品第二上少卿品第三  
上正監評丞品第五中獄掾品從第七下二十三年  
復次職令廷尉品第三少卿品第四正監評品第六  
丞品第七永安二年復置司直事十人視五品上不  
署曹事覆治御史簡劾事北齊大理寺決正刑獄卿  
屬官正監平各一人律博士四人明法掾二十四人  
捉事督二十四人掾十人獄丞掾各二人司直明法  
掾各二人後周依周禮建六官有司寇卿領秋官府

司寇等衆職又有刑部中大夫掌五刑之法附萬人  
之罪隋文帝改周六官依前代之法復置都官尙書  
侍郎後改爲刑部復置大理寺卿少卿正監平各一  
人司直十人律博士八人明法二十人獄掾八人卿  
正三品少卿正四品正監評正六品律博士正九品  
煬帝又改丞爲勾簡官增置十六人分判獄事唐制  
御史大夫中丞掌邦國刑憲典章其屬侍御史掌推  
鞠獄訟謂之東西推凡有別勅付推者則按其實狀  
以奏尋嘗之獄推訖斷於大理興元元年又詔殿中  
侍御史同知東西推分日受事謂之四推置刑部尙



書一人侍郎一人掌天下刑法及徒隸勾覆關禁之  
政其屬刑部郎中員外各二人掌二尚書侍郎舉其  
典憲而辯其輕重都官郎中員外各二人掌配隸簿  
錄俘囚以給衣糧藥瘡以理詆競雪免尚書正三品  
侍郎正四品郎中並正五品員外並正六品龍朔三  
年改刑部尚書曰司刑大嘗伯侍郎曰少嘗伯郎中  
爲大夫都官爲司僕咸亨元年復爲刑部光宅元年  
改爲秋官神龍元年復舊又置大理卿一人少卿二  
人掌邦國折獄詳刑之事明慎以讞疑獄哀矜以雪  
寃獄公平以鞠庶獄正二人掌參議刑獄正科條之

事六丞斷罪不當則駁正之丞六人掌分判寺事凡  
有犯皆據其本狀以正刑名凡六丞判尙書六曹  
統百司及諸州之務其刑部丞嘗押獄每一丞斷事  
五丞同押若有異見則各言之主簿二人掌勾簡稽  
失凡官吏之負犯并雪寃者則據所由文牒而立簿  
焉獄丞三人掌率獄史知囚徒司直六人評事十二  
人掌出使卿從三品少卿從四品正從五品丞從六  
品主簿從七品獄丞從九品司直從六品評事從八  
品龍朔二年改爲詳刑寺卿爲正卿正爲大夫咸亨  
元年復爲大理光宅元年改爲司刑神龍元年復故



凡吏曹補署法官則與刑部尙書侍郎議其人可否  
然後主擬若存制使覆囚徒則御史大夫中丞與刑  
部尙書參擇之凡天下之人有稱冤而無告者御史  
大夫與中書門下爲三司以鞫之大事奏裁小事專  
達三司雖按而非其長官則侍御史與刑部郎中員  
外大理司直評事往訊之五代因之歷代丞相三公  
刺史守相令長之從事掾屬其孚刑獄則有決曹辭  
曹則曹法曹司法長流刑獄之類焉夫律令者國之  
衡石刑辟者人之銜轡故王者慎其事擇其官以成  
欽恤之心以致平反之治然後上靡苛政下無冤民

庶獄清而善氣應其由茲乎故類其善惡自成一編  
凡刑罰部九門

定律令

古先哲王卽天論緣民情爲之刑罰威獄以類其震  
曜殺戮焉蓋所以防邪辟御奸宄禁其踰矩以佐乎  
治者也唐虞而下制事典以爲律度作法令而一民  
志隨世輕重沿革斯在然而周設三典施用旣殊漢  
增九章條目寢廣晉魏之後或損益殊制繁簡異宜  
載之討論有所刊定救時之弊乃至於申嚴濟民之  
殘式從乎寬裕杜周所謂三尺法亦何嘗之有哉若



夫令出維行周書之攸慎用刑不中仲尼之所譏自非協於大中而較若畫一又曷能御下而濟眾者乎

堯命伯夷降典折民維刑伯夷下典禮教民而斷以法

舜既攝政象以典刑象法也法用嘗刑用不越法流宥五刑宥寬也以

流放之法以鞭為治鞭作官刑官事之刑扑作教刑扑撥楚也

則撻金作贖刑金黃金課而入刑出金以贖罪青灾肆赦當緩救之怙終賊刑當緩救之怙姦自然當刑殺之欽哉欽哉惟刑之恤

哉使敬之憂欲得眾耳周成王時周公旦作周禮述大司寇之職掌建邦之

三典以佐王刑邦國詰四方與法也詰謹也書曰王耗荒度作詳刑以詰

刑

一曰刑新國用輕典新國者新辟地立君之國用輕法者為其民未習於教

二曰刑平國用中典平國承平守成之國也三曰刑

亂國用重典亂國篡弑叛逆之國用重典者以其化惡伐滅之以五刑糾萬

民刑亦法也糾猶察其心一曰野刑上功糾力功農功力勤力二曰軍

刑上命糾守命將命也守不失部伍三曰鄉刑上德糾孝德六

善事父母為孝四曰官刑上能糾職能其事也五曰國刑

上愿糾暴愿慤順也暴當為暴字之誤也以圜土聚教罷民圜土獄城也聚

罷民其中困苦以教之為善凡害人者寘之圜土而

施職事焉以明刑耻之害人為謂邪惡已有過失麗於法者以其無故犯法寘之

圜土繫教之庶其困悔而能改也寘置也施職事其

以所能役之明刑書其罪惡於大方版著其背

刑律部

刑律部



能改者反於中國不齒三年反於中國謂之還舍於故鄉里也司圜職日上

出園土者殺逃亡其屬小司寇掌外朝之政凡命夫

命婦不躬坐獄訟為治獄吏棄尊者也躬身也凡王

之同族有罪不即市鄭司農云刑諸甸師禮記日刑於隱者不與國慮兄弟以

五聲聽獄求民情一日辭聽觀其出言不直則煩二日色聽觀其

顏色不直則報然三日氣聽觀其氣息不直則喘四日耳聽觀其聽聆不直則惑

五日目聽觀其眸子視不直則眊然以八辟麗邦法附刑罰辟法也麗

也附一日議親之辟若今時宗室有罪先請是也二日議故之辟故

也舊知三日議賢之辟若今時廉吏有罪先請是也四日

議能之辟能謂有道藝者五日議功之辟若今時吏墨綬六

日議貴之辟爵位高者七日議勤之辟謂憔悴以事國八日議賓

之辟謂所不臣者三恪二代之後司刺掌三刺三宥三赦之法以

贊司寇聽獄訟刺殺也訊而有罪則殺之宥寬也赦舍也一刺日訊群臣

再刺日訊群吏三刺日訊萬民訊言也一宥日不識再

宥日過失三宥日遺忘不識謂愚民無所識則宥之過失若今律過殺人不坐死

遺忘若聞帷簿忘有在焉而以兵矢投射之一赦日勿弱再赦日老耄三

赦日蠢愚蠢愚生而癡騖童昏者勿弱老耄若今時律年未滿八歲八十以上非手殺人佗皆

不以此三法者求民情斷民中而施上服下服之罪

然後刑殺上服殺與墨劓下服宮刑也凡囚上罪梏拑而桎中罪



梏桎下罪梏王之同族有爵者桎以待斃罪械在手日

罪墨罪五百劓罪五百宮罪五百剕罪五百殺罪五

百墨黥也先刻其面以墨室之劓截其鼻也宮者丈夫去勢女子闖於宮中剕斷足也周改臙作剕殺

死刑也書傳曰決闕梁踰城郭而畧盜者其刑臙男

盜攘傷人者其刑劓非事而事之出入不以道義而

誦不祥之辭者其刑墨降叛寇賊劫略奪攘矯虔者

其刑死此二千五百罪之目略也其刑書則亡

掌戮掌斬殺賊諜而搏之搏當為膊去凡殺其親者

焚之殺王之親者辜之焚燒也辜之言凡殺人者踳

諸市踳謂斃之也墨者使守門黥面之罪不劓者使

守闕以其貌毀宮者使守內人道既絕刑者使守圜

驅御禽獸完者使守積完謂不虧其體但居其奴男

子入於罪隸男女徒總女子入舂槁舂春人槁槁人

槁音口凡有爵者與七十者與未訖皆不為奴有爵

好切以上也齒毀齒也男子六禮記王制大罪有五而殺

歲女子七歲而毀齒矣人為下逆天地者罪及五代誣鬼神者罪及四代逆

人倫者罪及三代亂教化者罪及二代手殺人者罪

止及身又曰折言破律亂名改作執左道以亂眾者

殺作淫聲造異服設怪伎奇器以蕩上心者殺行偽

而固言偽而辯學非而博順非而澤以惑眾者殺假



於鬼神時日卜筮以疑人者殺此四誅者不待時以

穆王時呂侯為司寇作呂刑後為甫侯故惟呂命王

享國百年耄荒言呂侯見命為卿時穆王以享國百

言百年大期雖老年耄亂荒忽穆王即位年過四十矣度作刑以詰四方度時世所宜訓

而能用賢以揚名作贖刑以治天

下四方王曰若古有訓蚩尤惟始作亂延及於平民

順古有遺訓言蚩尤造始作亂惡化相易罔不寇賊

延及於平善之人九黎之君號曰蚩尤罔不寇賊

鴟義奸宄奪攘矯虔平民化之無不相寇賊為鴟梟

亂之苗民弗用靈制以刑惟作五虐之刑曰法

甚習蚩尤之惡不用善化民而將以重刑惟為五虐之

刑自謂得法蚩之黃帝所滅三苗帝堯所誅言異世

而刑 殺戮無辜爰始淫為劓刑椽黥三苗之王頑

以殺戮無罪於是始太為截人耳越茲麗刑并制罔

鼻椽陰黥面以加無辜故曰五虐民與胥漸泯泯

差有辭苗民於此施刑并制無罪民與胥漸泯泯

焚罔中于信以覆詛盟三苗之民瀆於亂政起相

中於信義以反虐威庶戮方告無辜于上帝監民

背詛盟之約虐威庶戮方告無辜于上帝監民

罔有馨香德刑發聞惟腥三苗虐政作威衆被戮者

苗民無有馨香之行其所皇帝哀矜庶戮之不辜報

以為德刑發聞惟其腥臭君帝堯也哀矜衆被戮

虐以威遏絕苗民無世在下者之不辜乃報為虐者

以威誅遏絕苗民使乃命重黎絕地天通罔有降格

無世位在下國也重即義黎即和堯命羲和世掌天地四時之官使人

神不擾各得其序是謂絕地天通言天神無有降地



天神不至於羣后之逮在下明明棊嘗鰥寡無蓋后諸侯之逮在下國家以明明大道輔皇帝清問下民行嘗法故使鰥寡得所無有掩蓋

鰥寡有辭于苗帝堯詳問民患皆德威惟畏德明惟

明言堯監苗民之見怨則又增脩其德行威則乃命

三后恤功于民伯夷降典折民惟刑禹平水土主名

山川稷降播種農殖嘉穀伯夷下典禮教民而斷以

王名之后稷下教民播種農畝生三后成功惟殷于

民各成其功惟所以殷盛士制百姓于刑之中以教

祗德言伯夷道民典禮斷之以法臯陶作士制穆穆

在上明明在下灼于四方罔不惟德之勤堯行恭敬

之徒秉明德明居道於下灼然彰著故乃明于刑之

四方故天下之士無不惟德之勤故乃明于刑之

中率又于民棊彞天下皆勤立德教乃能明於用刑

典獄非訖于威惟訖于富言堯時王獄有威有德有

治貨賂敬忌罔有擇言在身堯時典獄皆能敬其職

言在惟克天德自作元命配享在下凡明於刑之中

其身惟克天德自作元命配享在下無擇言在身必

是惟能天德自為天命王曰嗟四方司政典獄非爾

惟作天牧王政典獄謂諸侯也非法今爾何監非時

伯夷播刑之迪言嘗視伯夷布其今爾何懲惟時苗

民匪察于獄之麗其今汝何懲戒乎所懲戒惟是苗

罔擇吉人觀于五刑之中惟時庶威奪貨言苗無肯



使觀視五刑之中正惟是眾為威 斷制五刑以亂無

辜上帝不蠲降咎于苗 苗民任貨奪姦人斷制五刑以亂加無罪天不紮其所為

故下咎罪 苗民無辭于罰乃絕厥世 言罪重無以辭於天罰故堯絕

謂誅之 其世申言 王曰嗚呼戒之哉 念以伯夷為 伯父伯兄

仲叔季弟幼子童孫皆聽朕言庶有格命 皆王同姓有父兄弟

子孫列者伯仲叔季順少長也舉同姓包 今爾罔不

異姓言不殊也聽從我言庶幾有至命 勤之汝無有徒念戒而不

由慰日勤爾罔或戒不勤 勤之汝無有徒念戒而不

勤 天齊于民俾我一日非終惟終在人 天整齊於下民使哉

所行非天所終惟為 爾尚敬逆天命以奉我一人雖

畏勿畏雖休勿休 汝當庶幾敬逆天命以奉我一人之行事雖見畏勿自謂可敬畏雖

見美勿自 惟敬五刑以成三德一人有慶兆民賴之

其寧惟永 先成以勞謙之德次教以惟敬五刑所以成剛柔正直之三德也天子有善則兆民

賴之其乃安 王曰吁來有邦有土告爾祥刑 吁嘆也

善侯告汝以 在今爾安百姓何擇非人何敬非刑何

度非及 在今汝安百姓兆民之道當何所擇非惟言

及時輕重 兩造具備師聽五辭 兩謂兩證造至也兩

所安乎 其人五 五辭簡孚正于五刑 五辭簡核信有罪

刑之辭 不簡正于五罰 不簡核謂不應五刑 五罰不服正于

五過 不服不應罰也 五過之疵惟官惟反惟內惟

貨惟來 五過之所病或賞同官位或詐反囚辭或內

親用事或行貨在法或舊相往來皆病所在



其罪惟均其審克之以病所在出入人罪使在五罪  
使之五刑之疑有赦五罰之疑有赦其審克之刑疑

罰疑赦從其當簡孚有衆惟貌有稽  
清察能得其理簡核誠信有  
其貌有所考無簡不聽具嚴天威  
合重刑之至無簡核誠信不聽

威無輕墨辟疑赦其罰百鍰閱實其罪  
用刑刻其額而溲  
見赦從罰六兩日鍰鍰黃鐵之曰墨刑疑

實其罪截鼻日劓刑倍  
罪刑足日刑倍差謂倍  
差之又半為百鍰宮辟疑赦其罰六百鍰閱實

其罪宮淫刑也男子割勢婦人幽閉吹死  
其罰十鍰閱實其罪死刑也五刑疑各入罰  
不降相應古之制也墨罰之

屬千劓罰之屬千荆罰之屬五百宮罰之屬三百大  
辟之罰其屬二百五刑之屬三千別言罰屬合言刑

見其義上下比罪無僭亂辭勿用不行  
以相備上下比罪無僭亂辭勿用不行  
之備以自疑勿惟察惟法其審克之  
用拆獄不可行惟察惟法其審克之

其當詳上刑適輕下服  
審能之重刑有可以虧減  
上服輕重諸罰有權則之輕服下罪

罰世輕世重惟齊非齊有倫有要言刑罰隨世輕重  
刑亂國用重典刑平國用中典凡也刑新國用輕典

病刑罪所以齊非齊各有倫理有要害  
惡人極於病苦莫敢犯者罰懲非死人極于  
非非在中非口才可以折獄惟平良  
可以折獄無不在中正察辭于差非從



惟從案因辭其難在于差錯非哀敬折獄明啓刑書

胥占威庶中正當憐下人之犯法敬斷獄之害人明

幾必得中其刑其罰其審克之其刑其罰其審克之其所刑其所罰其當

獄成而孚輸而孚斷獄成辭而信當輸汝信其刑上

備有并兩刑其斷獄文書上王府皆當王曰嗚呼敬

之哉官伯族姓朕言多懼敬之哉告使敬刑官長諸

可敬懼朕敬于刑有德惟刑我敬于刑當使今天相

民作配在下明清于單辭今天治民人君為配天在

單辭單辭特民之亂罔不中聽獄之兩辭治聽典獄

言無不以中正由獄之兩辭兩無或私家于獄之兩

辭典獄無敢有受貨聽許獄貨非寶惟府辜功報以

庶尤受獄貨非家寶也惟聚罪永畏惟罰非天不中

惟人在命當長畏懼惟為天所罰非天道不中惟天

罰不極庶民罔有令政在于天下天道罰不中令衆

天下由人主不王曰嗚呼嗣孫今往何監非德于民

之中尙明聽之哉嗣孫諸侯嗣世孫非一世自今已

中正乎庶幾明聽哲人惟刑無疆之辭屬于五極咸

長言而行之哉哲人惟刑無疆之辭屬于五極咸

中右慶言智人惟用刑乃有無窮之善辭名聞於後

然受王嘉師監于茲祥刑有邦有二受王之善衆而

勤而法之為治之者視於此善刑欲其

無疆之辭刑法部 卷之三十一 十四



楚文王作僕區之法曰盜所隱器與盜同罪

鄭簡公時子產相鄭鑄刑書鑄刑法於鼎也其後大大鄧析

改鄭所鑄舊制造刑法書之於竹簡

晉趙鞅荀寅帥師城汝濱遂賊晉國一鼓鐵以鑄刑

鼎令晉國各出功力共鼓石為鐵計令一鼓而足困軍役而為之著范宣子所為刑

書焉

秦文公二十年法初有三族之罪父母兄弟妻子也一云父族母族妻

族也

孝公初衛鞅請變法令令人為什五而相牧司連坐

不告姦者腰斬告姦者與斬敵首同賞匿姦者與降

敵同罰為私鬪者各以輕重被刑

始皇三十四年適治獄吏不直者築長城及南越地

漢高祖初為沛公入咸陽召諸縣豪傑曰父老苦秦

苛法久矣誹謗者族耦語者棄市吾與諸侯約先入

關者王之吾當王關中與父老約法三章殺人者死

傷人及盜抵罪傷人有曲直盜賊有多少蠲削秦法

故言抵抵者至也當也

兆人大悅然大辟尚有三族之誅先黥劓斬左右趾

笞殺之梟其首菹其骨肉於市菹為醢其誹謗詈詛又

先斷舌故謂之具五刑其後四夷未附兵革未息三

章之法不足以禦姦禦止也於是相國蕭何據撫秦法



據音九問切據音取其宜於時者作律九章

七年春令郎中有罪耐以上請之輕罪不至于髡完其鬚髮故日耐字

從多髡膚之意也音若能又音而又音乃代切

是年制詔御史獄疑者吏或不敢決有罪者久而不

論無罪者久繫不決自今已來縣道官獄疑者各讞

所屬二千石官二千石官以其罪名當報當謂處所

不能者皆移廷尉亦當報之廷尉所不能決謹具為

奏傅所當比律令以聞傳讀日附

惠帝元年制曰爵五大夫吏六百石以上及官皇帝

而知名者有罪當盜械者皆頌繫官皇帝而知名者謂雖非五大夫爵

六百石吏而蚤事惠帝時為所知者盜械凡有罪者械皆得稱焉山海經二頁之臣相折之尸皆云盜賊

其義是也上造以上及内外公孫耳孫有罪當刑其

頌與容同

當城旦舂者皆耐為鬼薪白粲上造爵滿十六者也内外公孫謂王侯内

外孫也耳孫者玄孫之子也言已遠但耳聞也今已上造有功勞内外孫有骨肉屬施德布惠故事從其

輕也城旦者朝起行理城舂者婦人不參外徭但舂作未皆四歲刑也今皆就鬼薪日粲鬼薪取薪給宗

廟白粲坐擇米使正白皆三歲刑也人年七十以上若不滿十歲有罪

當刑者免之不加肉刑髡髮劓也髡音佗計切謂七十以上及不滿十歲以下皆免之也

四年三月省法令妨吏民者除挾書律挾藏也秦敢有挾書者族

呂后元年正月詔曰前者孝惠皇帝言欲除二族罪

妖言令議未决今除之



文帝元年十二月詔曰丞相太尉御史法者治之正所以禁暴而衛善人今犯法者已論而使無罪之父母妻子同產坐之及為收孥朕甚弗取其議左右丞相周勃陳平奏言父母妻子同產相坐及收所以累其心使重犯法重難也累音力端切收之道所由來久矣臣之愚計以為如其故便帝復曰朕聞之法正則民慤罪當則民從慤謹也音丘角切且夫牧民而道之以善者吏也道讀曰導以善道之也道讀曰導以善道之也既不能道又以不正之法罪之是法反害於民為暴者也法害於人是法為暴朕未見其使宐孰計之平勃乃曰陛下幸加大惠於天下使有罪不收無罪

不相坐甚盛德臣等所不及也臣等謹奉詔蓋除收

律相坐法

後新垣平謀為逆復行三族之誅

二年五月詔曰古之治天下朝有進善之旌

旌旌也堯設五

達之道令民進善也

誹謗之本

橋梁邊板所以書政治之愆失也

所以通治道

而來諫者也今法有誹謗詆言之罪

詆與妖同高祖元年詔除妖言

之令今此又言詆言之罪是則中間曾重複設此條也

是使眾臣不敢盡情而

上無繇聞過失也將何以來遠方之賢良其餘之民

或呪詛上以相約而後相謾

謾欺也初為要約其行呪詛後相其誑中道止

無實事也謾音慢又音莫連切

吏以為大逆其有他言吏又以為誹

謗此細民之愚無知朕甚不取自今已來有犯此者



勿聽治

五年四月除盜鑄令聽於民鑄也

十三年太倉公淳于意以刑罰當傳西之長安意有五女隨而泣意怒罵曰生子不生男緩急無可使者少女緹縈傷父之言乃隨父西上書曰妾父為吏齊中稱其廉平今坐法當刑妾切痛死者不可復生而刑者不可復續作贖欲改過自新其道莫由終不可得妾願入身為官婢以贖父刑罪使改行自新也書聞帝悲其意歲中下令曰制詔御史蓋聞有虞氏之時畫衣冠異章服以為戮而民弗犯何治之至也今法

有肉刑黥劓二刑左右趾合一凡三也而姦不止其咎安在非乃朕

德之薄而教不明與與讀作歟吾甚自愧故夫訓道不純

而愚民陷焉道讀曰導詩曰愷悌君子民之父母今人有

過教未施而刑已加焉或欲改行為善而道亡繇至

繇與田同朕甚憐之夫刑至斷支體刻肌膚終身不息息生

何由其刑之痛而不德也豈為民父母之意哉其

除肉刑有以易之及令罪人各以輕重不亡逃有年

而免其不亡逃者滿其年數得免為庶人也具為令使更為條制丞相張倉

御史大夫馮敬奏言肉刑所以禁奸所由來者久矣

陛下下明詔憐萬民之一有過被刑刑者終身不息



及罪人欲改行爲善而道亡繇至爲盛德臣等所不

及也臣謹議請定律曰諸當完爲城旦春文帝除肉刑皆有以

易之故以完易髡以笞代劓以左右趾代刑今髡日完矣不復云以完代髡也此當言髡者完也當

黥者髡鉗爲城旦春當劓者笞三十當斬左趾者笞

五百當斬右趾及殺人先自告及吏坐受財枉法守

縣官財物而卽盜之已論命復有籍笞罪者皆棄市

趾是也當罪人獄已決完爲城旦春蒲三歲爲鬼薪

白粲一歲爲隸臣妾隸臣妾一歲免爲庶人男子爲

子爲隸妾鬼薪白粲蒲三歲爲隸臣隸臣妾蒲二歲

爲司寇一歲及作如司寇二歲皆免爲庶人罪降爲

一歲正司寇其逃亡及有爵罪以上不用此令前令

之刑城旦春歲數以免於本罪中又謂文帝臣昧死

請制曰是後外有輕刑之名內實殺人斬右趾者又

當死斬左趾者笞五百劓者笞三百率多死斬右趾

故人多死以笞五百代斬左趾景帝元年七月詔曰吏受所監臨以飲食免重受財

物賤買貴賣論輕帝以爲當時律條吏受所監臨賂

受所監臨財物及賤買貴賣廷尉與丞相更議著令

者論決太輕故令更議改之廷尉信謹與丞相議曰

著音竹筋切廷尉信謹與丞相議曰丞相申屠嘉更乃

諸有秩受其官屬所監所治所行所將行謂按察也



其與飲食計償費勿論佗物若買故賤賣故貴皆坐  
贓為盜沒入贓縣官吏遷徙免罪受其故官屬所將  
監治送財物奪爵為士五免之無爵罰金二斤令沒  
入所受有能捕告卑其所受贓

是年詔曰加笞重罪無異重罪謂死刑幸而不死不可為

人其定律笞五百曰三百笞三百曰二百

中二年二月改磔曰棄市先謂諸死刑皆磔於市今改曰棄市自非妖逆不復

磔也磔謂張其尸也棄市斬之於市也謂之棄市者或刑人於市與眾棄之也磔音竹客切勿復

磔

五年九月詔曰法令度量所以禁暴止邪也獄人之

大命死者不可復生吏或不奉法令以貨賂為市朋

黨比周比音隸以苛為察以刻為明令亡罪者失職

朕甚憐之職嘗也失其嘗理也有罪者不伏罪奸法為暴甚亡

謂也詔諸獄疑若雖文致於法而於人心不厭者輒

讞之厭服也音一瞻切讞平議也音魚列切

六年十二月定鑄錢偽金棄市律文帝五年聽民放鑄律尚未除先時

多作偽金偽金終不可成而徒損費轉相誑耀窮則起為盜賊故定其律也

五月詔曰維酷吏奉憲失中加笞者或至死而笞未

畢朕甚憐之其減笞三百曰二百笞二百曰一百又

笞者所以教之也其定舊令舊策也所以擊者也音止藥切丞相劄



舍御史大夫衛綰請笞者箠長五尺其本大一寸其竹也末簿半寸皆平其節當笞者笞臀然則先時笞背也門謂行笞者母得更人更易人也畢一罪乃更人自是笞者得全然酷吏猶以為威死刑既重而生刑又輕民易犯之

後元年正月詔曰獄重事也人有智愚官有上下獄疑者讞有司有司所不能決移廷尉有令讞而後不當讞者不為失假令讞訖其理不當所讞之人不為罪失

三年詔曰高年老長人所尊敬也鰥寡不屬健人者人所哀憐也屬音之其著今年八十以上八歲以下

及孕者未乳乳產也音師朱儒師樂師有瞽者朱儒短人不能走者當

鞠繫者頌繫之頌讀日容寬死罪欲腐者許之

武帝元朔初令中大夫張湯趙禹條定法令作見故縱監臨部主之法見知人犯法不告為故縱而緩深

故之罪故入人罪者皆寬緩之悉縱出之誅吏釋罪人疑以為縱出則悉深之

律令凡三百五十九章大辟四百九條千八百八十二事死罪決罪比萬三千四百七十二事比以例相比况

宣帝地節四年五月詔曰父子之親夫婦之道天性也雖有患禍猶蒙死而存誠愛結於心仁厚之至也豈能違之哉自今子首匿父母妻匿夫孫匿太父母



皆勿坐其父母匿孫罪殊死皆上請廷尉以聞  
元康四年正月詔曰朕惟耆老之人髮齒墮落血氣  
衰微亦亡暴虐之心今或羅文法拘執囹圄不終天  
命朕甚憐之自今以來諸年八十以上非誣告殺傷  
人佗皆勿坐

元帝初卽位下詔曰夫法令者所以抑暴扶弱欲其  
難犯而易避也今律煩多而不約自典文者不能分  
明而欲羅元元之不逮羅細也不逮言斯豈刑中之  
意哉其議律令可蠲除輕減者條奏惟在便安萬姓  
而已

初元五年省刑罰七十餘事又除光祿大夫以下至

郎中保父母同產之令舊時相保一人有過皆當坐

所以全之也同  
產謂兄弟也

成帝河平中詔曰甫刑云五刑之屬三千大辟之罰

其屬二百今大辟之刑千有餘條律令煩多百有餘

萬言奇請佗比日以益滋奇請謂常文之外主者別  
有所請以定罪也佗比謂

引類以比附之稍增  
律條也奇音居宜切自明習者不知所由由從欲以

曉喻衆庶不亦難乎於以羅元元之民天絕亡辜豈

不哀哉其與中二千石二千石博士及明習律令者

議減死刑及可蠲除約省者令較然易知條奏書不



云乎惟刑之恤哉其審核之務準古法朕將盡心覽  
焉 時有司不能立明制為一代之法但舉毫毛數事以塞詔而已

鴻嘉元年定今年未滿七歲賊鬪殺人及犯殊死者  
上請廷尉以聞得減死

哀帝以綏和二年四月即位六月詔除誹謗詆欺法  
詆音丁 禮切

建平元年盡四年輕殊死者刑八十一事其四十二  
事手殺人皆減死罪一等著為常法

平帝以元壽二年六月即位九月詔曰夫赦令者將  
與天下更始誠欲令百姓改行絜已全其性命也往

者有司多舉奏赦前事累增罪過誅陷亡辜殆非重

信慎刑灑心自新之意也  
灑滌也音先禮切 及選舉者其歷

職更事有名之士則以為難保  
更音工 衡切 廢而弗舉其

謬於赦中過舉賢才之義諸有賊及內惡未發而薦

舉者皆勿按驗  
有賊謂以賊貨致罪 令士厲精鄉進  
鄉讀日嚮 不以

小疵妨大材自今以來有司無得陳赦前事置奏上

有不如詔書為虧恩以不道論定著令布告天下使

明知之

元始四年詔曰蓋夫婦正則父子親人倫定矣前詔

有司復貞婦歸女徒  
復音方 日切 誠欲以防邪辟  
辟讀日僻 全



貞信及耗悼之人耗音莫 報切刑罰所不加聖王之所制

也惟苛暴吏多拘繫犯法者親屬婦女老弱搆怨傷

化百姓苦之其明敕百姓婦女非身犯法及男子年

八十以上七歲以下家非坐不道詔所名捕它皆無

得繫其當驗者即驗問就其所 居而問定著令

後漢光武建武三年詔曰吏不滿六百石下至墨綬

長相有罪先請續漢志曰縣大者置令一人千石其 次置長四百石小者三百石侯國之

相亦如之皆掌 理人施秦制男子八十以上十歲以下及婦女從

坐者自非不道詔所名捕皆不得繫詔書有名 而時捕者當驗

問者既即就驗女徒雇山歸家前書音義曰令甲女 子犯徒遣歸家每月

出錢雇入於山 伐木名曰雇山

十一年二月己卯詔曰天地之性人為貴其殺奴婢

不得減罪

八月癸亥詔曰敢炙灼奴婢論如律免所炙灼者為

庶民

十月壬午詔除奴婢射傷人棄市律

十二年十二月詔邊吏力不足戰則守追虜料敵不

拘以逗遛法逗是曲行避敵也漢法軍行逗遛畏懦 者斬追虜或近或遠量敵進退不拘以

軍法直取勝為 務也逗古住字

十八年四月詔曰今邊郡盜殺五十斛罪至於死開



殘吏妄殺之路其蠲除此法同之郡內

二十四年七月詔有司申明舊制阿附蕃王法武帝時有

淮南衛山之謀作左官之律設附益之法前書音義

日人道尙左言捨天子仕諸侯為左官左辭也阿曲

附益王侯者將有重法

更為舊制令更申明之

章帝建初元年鮑昱為司徒是時辭訟久者至十數

年比例輕重非其事類錯雜難知昱奏定辭訟七卷

決事都目八卷齊同法令息過人訟

七年九月詔天下繫囚減死一等勿答詣邊戍妻子

自隨占著所在父母同產欲相從者恣聽之有不到

者皆以軍興論

元和元年七月丁未詔曰律云掠者唯得榜笞立

繫也音彭謂又令丙篋長短有數令丙為篇之次也

立而考訊之令丙篋長一寸本大一寸其竹也

末簿半寸其平去節故云長短有數也自往者大獄

已來掠考多酷鈔鑽之屬慘苦無極念其痛毒怵然

動心書曰鞭作官刑豈云若此宜及秋冬理獄明為

其禁帝初即位尙書陳寵上疏乞改前世苛俗輕薄

舊楚以濟群生全廣至德以奉天心帝納寵言每事

務於寬厚至是遂詔有司絕鈔鑽慘酷之科蒼頡篇

也說文曰鈔鐵錘也其炎切錘音陟葉切解惡妖之

禁除文制請讞五十餘事定著於令







